



Deddf Llywodraeth Leol ac Etholiadau (Cymru) 2021

2021 dsc 1

RHAN 5

CYDWEITHIO GAN BRIF GYNGHORAU

PENNOD 5

DARPARIAETH BELLACH MEWN PERTHYNAS Â CHYD-
BWYLLGORAU CORFFOREDIG A RHEOLIADAU CYD-BWYLLGOR

*Swyddogaethau cyd-bwyllgorau corfforedig a phrif
gyngorau a swyddogaethau sy'n ymwneud â hwy*

87 Arfer swyddogaethau gan brif gyngorau o dan y Rhan hon

- (1) Nid yw adran 101 o Ddeddf 1972 (trefniadau ar gyfer cyflawni swyddogaethau gan awdurdodau lleol) yn gymwys i'r swyddogaethau a nodir yn is-adran (4).
- (2) Nid yw'r swyddogaethau a nodir yn is-adran (4) i fod yn gyfrifoldeb i weithrediaeth prif gyngor o dan drefniadau gweithrediaeth.
- (3) Mae maer etholedig i'w drin fel pe bai'n un o gynghorwyr prif gyngor at ddibenion y swyddogaethau a nodir yn is-adran (4).
- (4) Y swyddogaethau yw—
 - (a) gwneud cais cyd-bwyllgor;
 - (b) rhoi cydsyniad o dan adran 73(4) i reoliadau cyd-bwyllgor gael eu gwneud;
 - (c) gwneud cais o dan adran 78 i ddiwygio neu ddirymu rheoliadau cyd-bwyllgor;
 - (d) rhoi cydsyniad o dan adran 81(4) i reoliadau cyd-bwyllgor gael eu diwygio.